

遺

愁

集

遺愁集卷之十

○○一集忍辱

淮陰袴下○雷侯圯橋○心不爲動○志不爲撓○能伸○能屈○不忮○不○
驕○忍人難忍○乃是英豪○集忍辱

漢張釋之爲廷尉○日有王生者○善爲黃老言○名重一時○謂釋之
曰○爲我結襪○釋之卽跪而結之○人或讓王生○生曰○廷尉方今重
臣○予故使結襪○以成其名○諸生聞之○盡賢王生而敬廷尉焉○
劉智遠名高○後時爲晉陽○泆駝村李氏贊○嘗令牧馬○犯僧田○
僧執而笞之○及爲北京留守○至郡首召僧○命之坐○慰諭贈遺衆
大服

金將張柔父母被元所獲柔嘆曰吾受國厚恩不意猖獗至此
大異於顧忠孝不能兩全姑爲二親屈遂降元

許國代賈涉爲淮東制置使既至鎮痛抑李全軍犒賞十損八
九及全來謁坐受其拜全怒甚復自計曰彼所爭者拜耳拜而
得志吾何愛焉更折節爲禮自見動必請每請必拜國大喜語
家人曰吾折服此奴矣全遂密約劉慶福與作亂國被流矢自
縊

張耳陳餘皆魏名士秦懸金購兩人乃變姓名俱之陳爲里監
門以自食吏嘗以過笞陳遽怒欲起張耳躡之使受吏去乃引
餘至桑下數之曰始吾與公言何若今見小辱而怒吏欲起乎

餘大服

英雄遇難須忍人之所不能忍方能韜光斂迹小屈大伸若
一觸卽起使人看破機關便無退步

吳王夫差敗越於會稽報檣李也勾踐乃使大夫文種詣吳行
成君請爲臣妻請爲妾遂與夫人及大夫范少伯並赴吳聽命
養馬於石室後吳王病亟勾踐往候因太宰伯嚭以見親爲嘗
糞夫差以爲愛已乃放還歸則臥薪嘗膽生聚教訓卒以滅吳
晉王李克用追黃巢還軍過梁宋溫陽爲歡宴陰伏兵夜攻之
克用逃歸卽議舉溫太妃劉氏諫曰公本爲國討賊今梁事未
暴而遽反兵相攻天下聞之莫分曲直不若忍此小辱斂兵還

鎮訴之於朝。然後聲罪致討。可也。克用。晉從之。天下自此皆不直溫。

韓信徵時。有屠中少年侮之曰。能死刺我。不能死。出我胯下。韓信忍之。俛出胯下。人皆笑爲怯。及後佐漢。封淮陰侯。乃召辱已少年爲中尉。謂群下曰。此壯士也。方辱我時。寧不能殺之。殺之無名。故忍而就此。

沛公入函谷關。羽至。關閉。羽怒。欲擊之。沛公從張良諫。乃奉卮酒爲項伯上壽。約爲婚姻。備言不敢背德。所以閉關者。備他盜也。伯曰。如此。不可不蚤來謝。旦日因謝羽。鴻門。

張良少時遇一老人。墮履地。攝下。命良拾之。良取履跪進。老人。

安坐以足受之曰孺子可教也乃授以兵法後良以此佐漢
留侯

留侯雖具仙風道骨未免少年使氣不學無術沙中一擊雖
極快心原覺孟浪其大索而不得亦倖焉爾如此倣去終非
萬全所以黃石老人顧命取履又復坐受正所以銷其驕傲
之氣以歸於渾厚和平而良遽能受其磨折豈非具眼

蘇秦初出遊困而歸黑貂之裘敝黃金百鎰盡妻不下機嫂不
爲炊父母不共語因引刺雖股夜讀期年而揣摩成說燕趙爲
六國相佩金印而還昆弟妻嫂側目不敢視清宮除道張樂設
飲俯伏以待命秦笑曰何前倨而後恭嫂曰以季子位尊而多

金也秦嘆曰人生世上勢位富厚蓋可忽乎哉

富與貴世所必須有一於此人皆側目何況兼而有之乎前倨後恭骨肉不免自古及今無往不然可爲三嘆

嚴蕊字幼芳天台營妓名藝冠絕一時太守唐仲友與之交好命賦紅白桃花詞寄如夢令云道是梨花不是道是杏花不是白白與紅紅別是東風情味曾記曾記人在武陵微醉或與仲友有隙欲撫其罪乃指與蕊爲濫繫之獄月餘備受箠楚而一語不及唐吏勸其承認則罪不過杖何用自苦答曰賤妓縱與太守濫罪不至死若妄言以汚士大夫則死不可誣也我寧忍辱以俟之未幾有隙者改除以岳商卿代蕊自陳乃口占卜

子曰○不是愛風塵○似被前緣誤○花○落○花○開○自○有○時○總○賴○東○君○去○是○何○須○去○住○也○如○何○住○若○是○山○花○插○滿○頭○莫○問○奴○歸○處○岳○大○喜○卽○時○出○罪○判○令○落○籍○後○爲○宗○室○所○納○

却○超○得○寵○於○栢○溫○一○日○謝○太○傅○與○王○文○度○共○詣○之○日○盱○未○得○前○王○怒○便○欲○去○謝○曰○不○能○爲○性○命○恐○俄○頃○耶○王○大○首○肯○

王敦執愍王承時無忌

承子

兄弟尙群夜遣王虞載承於車而

殺之○當時不盡知也○雖愍王家人亦未之悉及無忌稍長嘗與

虞相暱○一日共遊○無忌入告母○請爲設饌○母流涕曰○昔王敦肆

虐○賊殺汝父○實假手於王虞○吾所以積年不告汝者○以王氏強

汝兄弟○幼不欲使聲著○蓋恐以避禍耳○尙何庸設酌以待乎○無

忌驚號急抽刀而出廬已遠去

謝奕性彊強以事與王藍田不相得自往數之肆言極詈王正色面壁拱立了不爲動絕不接一言半日謝始忿忿而去去良久始轉頭問僕曰去未答云已去然後復坐時人謂其性急而能有容更不可及

處剛暴人第一抄法若與一辨必致尙氣無如靜以聽之待他咆哮過了自覺乏趣只得忿忿而去

范睢初在魏從須賈至齊齊王聞睢辨士賜以牛酒及金賈疑以私事告齊歸告魏相咎擊之折脇斷臂睢乃詐死棄之廁中睢乃潛歸私謂家人曰還視我舌在否亡走入秦更姓名曰

祿寨以爲相。後魏使須賈至秦。睢乃更敝衣間步至。

賈驚曰：「范叔何一寒至此！」是○見○多○情○是○知○道○也○急取一綈袍贈之。因曰：「秦相張君公。」

聞之乎？睢曰：「吾主人翁也。」願爲君借高車駟馬以入府。頃之迎。

賈至門待之良久。問門吏曰：「范叔不出何也？」吏曰：「乃相國張公。」

何謂范叔？賈大驚。遂滕行而入。謝罪請死。睢坐而曰：「汝辱我。」

有三。今所以得不死者，以綈袍戀戀有故人之情爾。

諸葛亮伐魏，圍祁山，司馬懿敕軍保險固守，不出。亮苦運糧不。

繼，乃作木牛流馬，負米料谷數使，人挑戰懿，並不應。亮不得已。

令人遺以巾幘，婦人之服。且謂曰：「能戰則戰，如不能戰，當拜受。」

懿笑曰：「爾以我爲婦人耶？」即再拜而受。與使者語，絕不及戎。

馬。亮曰：「此乃婦人之服。」

伍事但問亮飲食多少及事煩簡使曰丞相爵五十以上皆親
決焉然飲食不過數升懿曰食少事煩其能久乎賈詡曰公畏
蜀如虎奈天下笑何懿乃佯怒上表請戰使歸告亮曰彼本無
戰心特假此以示威武於衆耳

呼喚醒沈酣癡迷頓悟又一切有爲總屬幻假堪笑愚人在
爲牛馬曉鐘乍聞棒喝齊下夢魂忽驚如時雨化集驚悟
唐楊國忠恃寵恣橫人爭附之或勸張彖曰見之富貴可立致
彖曰君輩倚楊右相爲泰山我以為永山耳若皎日一出得毋
失所恃乎後果敗

宋范仲淹知饒州有貧生謁之時薦福碑文值千金范欲打贈
一夕忽爲雷轟時人云有客打碑來薦福無人騎在上揚州又
唐王勃少年有文名因修滕王閣成請勃作記爲路頗遠限日
甚促舟至長江度不能到夜間驟發大風不日便達諺曰昨來
風送滕王閣運遇雷轟薦福碑

宋高宗時金主欲棄燕西歸左企弓獻詩云君王莫聽荆燕議
一寸山河一寸金金主悟遂不動

昔有人題驛亭詩云帆力劈開千頃浪馬蹄踏破五陵青浮名
浮利過於酒醉得人間死不醒

蘇代爲燕說趙云昨王過易水蚌方出曝而螭啄其肉蚌合而
箝其喙鵲曰今日不雨明日不雨必有死蚌蚌曰今日不出明
日不出必有死鵲兩爭不捨相持不下漁者見而并擒之語云
鵲蚌相爭漁翁得利此之謂也

東波一日遊西湖妓琴操相隨問云何爲湖中景曰落霞與孤
鶩齊飛秋水共長天一色又問何謂景中人曰覆拖六幅湘江

水警挽巫山一民雲又問何謂人中景曰金勒馬嘶芳草地玉樓人醉杏花天又問究竟如何曰門前冷落車馬稀老大嫁作商人婦因不覺撫掌大笑操於言下頓悟即日相辭祝髮爲尼齊王好竿有求仕者抱瑟而往立王之門三年不得入客謂之曰王好竿而子鼓瑟瑟雖工其如王之不好何

漢宣帝時霍氏驕橫徐福上書請抑制之不報後霍敗告者皆封獨福不與或爲上言曰客有見主人之竈直突旁有積薪請更曲其突而徙其薪不然將致火患不聽俄而失火鄰里共救得息有致焦頭爛額者乃殺牛置酒以酌救火之人而不及言言客或謂主人曰曲突徙薪無恩澤焦頭爛額爲上客耶帝悟

乃厚賞福

東坡有述懷詞云清夜無塵月色如銀酒斟時須滿十分浮名
浮利休苦勞神似隙中駒石中火夢中身雖抱文章開口誰觀
且陶陶樂取天真幾時歸去作箇閒人背一張琴一壺酒一溪
雲

醒語云有一言傷天地之和切宜檢點有一事損終身之福務
應防閑隨你官情濃歸時帶不來恁你生趣重死時將不去反
不若隨緣以安分恬澹以居心倒是一生受用弗盡處
夏正夫云君子有三可惜此生不學一可惜此日閒過二可惜
此身一敗三可惜古云白日莫閒過青春不再來又云少壯不

努力老大徒傷悲。洵爲名言。

東坡在徐州參寥自錢塘訪之。坡令一妓戲之。并求詩爲贈。乃口占云。多謝尊前窈窕娘。休將幽夢惱襄王。禪心已作沾泥絮。不逐東風上下狂。坡公見之。深爲佩服。自是卽家人在坐。亦不嫌避。

廬江有監司家居。懸余延方士鍊丹。夫人戲曰。丹成何以謝士。答曰。渠自能點化。不歸相謝。夫人曰。旣不希酬。何故以法傳君。曰。謂我有仙風道骨耳。夫人嘆曰。君垂涎點化。志在貪財。妾未聞蓬萊三島。乃有貪財神仙。詰問適壻來謁。夫人曰。丹成傳之。壻乎。監司不答。頗有難色。夫人曰。君得金丹。壻尙不肯傳。君生

非○方○士○之○壻○何○反○背○傳○耶○監○司○終○不○悟○一○日○果○爲○盜○去○夫○人○笑○
日○夜○來○聞○方○士○赴○蟠○桃○之○會○未○知○騎○黃○雀○耶○乘○赤○鯉○耶○監○司○默○
然○長○吁○愧○悔○而○已○

法○照○禪○師○偈○云○同○氣○連○枝○各○自○榮○些○些○言○語○莫○傷○情○一○回○相○見○
一○回○老○能○得○幾○時○爲○弟○兄○詞○氣○藹○然○足○啓○友○子○之○愛○雖○人○有○五○
倫○君○臣○遇○合○朋○友○訂○交○久○暫○固○不○可○必○卽○父○子○夫○婦○早○者○以○二○
十○年○爲○率○豈○若○兄○弟○二○三○年○相○繼○自○竹○馬○戲○遊○以○至○台○背○霍○髮○
相○與○周○旋○最○久○若○思○意○欬○洽○猜○間○不○生○其○樂○真○莫○有○涯○際○
唐○雲○叟○寄○霍○山○秦○尊○師○云○老○霍○玄○猿○共○採○芝○有○時○長○嘯○獨○遊○移○
翠○蛾○紅○粉○嬋○娟○劒○殺○盡○世○人○人○不○知○

多少○箴○云○少○飲○酒○多○暖○粥○多○茹○菜○少○食○肉○少○開○口○多○閉○目○多○梳○頭○少○洗○浴○少○羣○居○多○獨○宿○多○收○書○少○積○玉○少○爭○名○多○忍○辱○多○行○善○少○干○祿○

陳眉公云○得意之事○勿再為得意之地○勿再往得意之人○莫輕交得意之語○莫輕發執此道也○以往可以息業養神○可以全身遠害○

半輪殘月○掩塵埃○依稀猶有○開元字○想見清光○未破時○買盡人間不平事○此咏錢詩也○夫錢為人所共愛○勢所必爭○骨肉親知○以之構怨○公卿士夫○以之敗名義○夫烈婦○以之失節○勢商遠賈○以之損命○市井交易○以之騙賤○乍去乍來○忽散忽聚○貧富倏更○

籠絡一世大抵禍人少而禍人多所以錢字之形金旁有兩戈蓋寓金能殺人之意而人莫之悟也

嘯驕呵殿猶如傀儡之登場揚地獄天無異弄影於燈下以是知三九大老紫綬貂冠得意哉卽是黃梁公案二八佳人翠蛾蟬髮消魂也無非白骨生涯審此足令名心頓淡淫念轉灰

竺法深在晉簡文坐劉尹問道人何以遊朱門答曰君自見爲朱門貧道如遊蓬戶

有人問殷浩何以將得位而夢棺器將得財而夢矢穢浩曰官本臭腐所以將得而夢棺屍財是糞土所以將得而夢穢汚聞者大悟

周顒病久見人止半面。殷仲堪將興晉陽之甲往與別涕泗零落。囑以善治所應。顒曰：我疾自當瘥，正憂汝患耳。

殷仲堪素有名望，請於南齊執政及諸公。東陽太守意甚不平，赴郡至晉陽，慨然嘆曰：看此山川形勢，定當復出一孫伯符。乃與桓胤合謀造反。前數日晚起照鏡，忽不見頭，大驚悔悟，俄而難及。

晉潘岳父爲鄉郡太守，孫秀爲吏，岳數侮之。後秀爲中書令，岳內省過之，嘆曰：孫秀猶憶卿昔周旋否？秀曰：中心藏之，何日忘之？岳知不免，會秀憾石崇，中傷被收，并株連逮岳。崇赴東市，岳亦旋至。崇曰：安仁，天下殺英雄，卿復何爲？爾岳曰：僕主撫溝壑。

餘波來及人今日可謂白首同歸矣先是岳有金谷集詩云投
分寄石友白首同所歸乃成其議

田真兄弟田慶田廣議欲分家堂前舊有紫荊樹一株甚茂酌
斫爲三各取其一比曉忽已枯死真歎曰草木無知聞欲分裂
尚爾如此人何可不如也因爲流涕由是兄弟並語不復言分
荊花不日復茂

唐李泌少時身最輕捷有異人見之曰此兒十五必飛騰稍長
卽能導引不食穀飯節理瑯琊縣有神仙丰稷朝廷辟之封爲鄴
侯嘗作詩云天覆吾地載吾天地生我有意無不然絕粒升天
衝不無鳴珂遊帝都安能不貴復不去空作昂藏一丈夫遂乞

休修養

黃帝問廣成子在崆峒之上往問何道可以長久答曰必靜必清無勞爾形無搖爾精固其宅舍守其命門乃可長生

六祖惠能初寓法性寺風揚旛動有二僧爭論一云風動一云旛動六祖笑云風旛俱不動汝心自動耳二人言下頓悟

宋劉伯龍性廉潔歷位九卿郡守貧窶愈甚嘗居家將督什一之方忽一鬼在側撫掌大笑伯龍嘆曰貧窮固有命乃至復爲鬼所笑遂止

五祖弘忍有徒五百衆一日謂曰誰作無家偈卽傳與衣鉢首座云身似菩提樹心如明鏡臺時時勤拂拭莫使染塵埃六祖

盧惠能笑曰佛本是空此修有象乃云菩提本無樹明鏡亦非
臺本末無一物何處染塵埃五祖驚曰此子全悟卽以法寶付
焉池州使君問曰會中五百僧爲甚獨昇與盧行者五祖云雖
有五百人四百九十九箇會佛法惟盧行者不會佛法故以傳
之

秦相商君望法甚嚴宗威惡之孝公卒公子虔等告以反發吏
追捕商君亡至關後投舍客曰商鞅之法舍人無驗者坐之茲
實不敢留執數日嗟乎爲法自弊一至於此逮歸夷其三族
韋惲惡蘇軾謫爲雷州司戶不許其占官舍遂賃屋以居後復
以強奪民產誣之遣使究治以儆劾甚明乃得免後二年子厚

亦請雷州開舍於民曰前蘇公來爲章丞相所陷幾至累重
案今不可也惇大悔曰昔以笑人今卽自笑天理報應何速如
之

麻姑謂王方平曰予見滄海已三變爲桑田矣向到蓬萊水淺
於往者畧半也東海行復揚塵乎老子曰桑田變滄海我爲之
添一籌滄海變桑田我又爲之添一籌今觀海屋籌忽已三千
矣

明太祖嘗與侍臣論善惡之報多有爽者上曰爲惡或免於禍
然理無可爲之惡爲善未必蒙福然理無不可爲之善彼爲善
而無福爲惡而無禍非天道之不明特時有未至耳

漢蕭何置田宅必居窮僻處為家不治墻垣人問何意曰後人
賢師我儉不賢毋致為葬家所奪

東海錢翁以小家致富欲卜居城中或言某房者價止七白金
將售矣翁往閱之反以千金成券子弟尤之曰此房業已有議
何故驟增三百翁笑曰非爾所知也我儕小民彼違眾而售我
不稍益何以塞眾口且欲未厭者爭端不息吾以千金獲七百
之產我望既盈彼心亦足而他人並無所利於此屋歌斯哭斯
永為錢氏業矣已而他居悉以價虧或贖或貼每每成訟惟錢
氏貼然

王良歷郡守司徒在位恭儉布被瓦器後以病歸徵至榮陽過

其友友拒不見曰不有忠言奇謀而取大位何其往來屑屑不憚煩也良聞之甚慚自此連辟不應

後漢馬廖疏云吳王好劍客百姓多瘡痍楚王好細腰宮中多餓死城中好高髻四方且盈尺城中好廣眉四方且半額城中好大袖四方全匹帛

宋御史臺有老隸素以剛直名御史有過則直其挺臺中以其挺之曲直爲賢否之驗一日范諷欲召客觀論庖人造羹指揮數四既去又呼之叮嚀告誡不已顧隸挺忽直諷怪問之答曰大凡役人者授之以法而責其成苟不如法自有常刑何事喋喋使中丞宰天下安得人人而詔之諷大愧服

六安縣有嬖其妻者治命與二子均分子謂妾無分法質之官杜果批其牘曰傳云子從父令律曰違父教令是父言爲令也父令子違不可以訓然妾能守志則可或去或終當仍歸二子却使李衍覽之擊節曰真九州三十三縣令之最也

元順帝荒於遊宴以宮女一十六人按舞名天魔舞又自製龍舟及宮漏按時而動名自鳴鐘精巧出人意皆前所未有一日欲觀古画嶮嶮乃取郭忠恕比干圖以進又嘗閱宋徽宗画甚稱善嶮嶮曰徽宗固多能惟一事不能上問何事對曰獨不能爲君以致身死沙漢若能爲君則他技非所尙也富時不儉貧時悔見時不學用時悔醉後失言醒時悔健不保

養病時悔有時不省無時悔好時不慎壞時悔閒時不做忙時
悔暇時不算急時悔

世傳聽讒詩云讒言謹莫聽聽之禍殃結君聽臣言誅父聽子
當決夫妻聽之離兄弟聽之別朋友聽之疎骨肉聽之絕堂堂
六尺軀莫聽三寸舌舌上有龍泉殺人不見血

明沈石田周老景詩云今日殘花昨日開爲思年少坐成呆一
頭白髮催將去萬兩黃金買不回有藥駐顏都是妄無繩繫日
重堪哀此情莫向兒曹說直待兒曹自老來

明鄭子元由翰林外補十年不得賜環當佗條無聊遂成心疾

每作輒昏憤如夢或發譁語病已無異平時或日眞空寺有老

此是○有○者○所○致○須○備○具○空○療○之○

一○僧○不○用○符○藥○鍼○灸○能○治○心○疾○子○元○往○叩○之○僧○曰○貴○恙○起○於○煩○惱○
煩○惱○生○於○妄○想○夫○妄○想○之○來○其○機○有○三○或○追○憶○數○十○年○前○榮○華○
冤○讐○悲○歡○離○合○及○種○種○閑○情○此○爲○過○去○妄○想○或○事○到○眼○前○可○以○
順○應○却○畏○首○畏○尾○三○番○四○復○猶○豫○不○決○此○爲○見○前○妄○想○或○期○望○
日○後○富○貴○榮○華○皆○如○其○願○或○期○望○功○名○成○遂○告○老○歸○田○或○期○望○
子○孫○登○庸○以○繼○書○香○與○夫○一○切○不○可○必○成○不○可○必○得○之○事○此○爲○
未○來○妄○想○三○者○忽○生○忽○滅○乍○去○乍○來○禪○家○謂○之○幻○心○能○略○見○其○
妄○斬○斷○念○頭○禪○家○謂○之○覺○心○故○曰○不○思○念○起○惟○患○覺○違○此○心○若○
同○太○虛○煩○惱○從○何○處○着○脚○又○曰○貴○恙○又○原○於○水○火○不○交○凡○溺○愛○
治○容○而○作○色○兼○爲○外○感○之○欲○夜○深○枕○席○貪○歡○或○成○宵○寐○之○變○爲○

內○生○之○欲○二○者○之○始○綱○繆○染○著○皆○消○耗○元○精○若○能○離○節○則○腎○水○
滋○生○可○以○上○交○於○心○至○若○思○索○文○義○忘○其○寢○食○謂○之○理○障○經○綸○
職○業○不○告○勛○勛○謂○之○事○障○二○者○雖○非○人○慾○亦○損○性○靈○若○能○舉○遣○
則○心○火○不○致○上○炎○可○以○下○交○於○腎○故○曰○塵○不○相○緣○根○無○所○偶○反○
流○全○一○六○用○不○行○又○曰○苦○海○無○邊○回○頭○是○岸○一○切○有○為○應○作○是○
觀○子○元○深○服○其○言○乃○獨○處○一○室○掃○空○萬○緣○斷○絕○百○擾○靜○坐○月○餘○
心○疾○遂○愈○

近○理○切○病○對○症○下○藥○乃○一○服○活○命○丹○也○勝○過○參○朮○芪○黃○之○功○
百○倍○但○此○是○人○人○胎○裏○病○坐○此○疾○者○儘○多○知○此○方○者○亦○不○少○
只○不○能○如○法○修○鍊○洗○心○澄○慮○不○時○調○服○以○致○至○死○不○變○耳○予○

願天下病人共遵其法

霜天曉角詞云功名大小天已安排了何用百般機巧榮休喜
辱休惱開先謝蚤此理人知少萬事算來由命聽自然真箇好
榮枯得失天已安排畢何用苦勞心力得一日過一日泰來
否極詭譎終何益凡事付之一笑前程暗勝如漆

魯哀公問孔子曰有智者壽乎孔子曰然人有三死而非命也
者人自取之夫寢處不時飲食不節勞佚過度者疾其殺之居
下位而上忤其君嗜慾無厭而求不知止者刑其殺之少以犯
衆病以侮強忿怒不量力者兵其殺之此三死者非命也人自
取之詩云人而無儀不死何爲此之謂也此智者所不爲也

唐長孫后堯太宗念之不已作層觀望之嘗引魏徵同登使視
焉徵曰臣昏眊不能見上爲之指示徵曰臣以陛下望獻陵若
昭陵固已見之矣上感泣爲之毀觀

明正德好佛自號大慶法王或時降旨亦以此名傳珪伴爲不
知奏云大慶王何人敢並至尊大不軌法當誅上知其忠笑而
不罪

明景泰嗣位意欲易儲恐人諫阻乃先喚內閣諸學士以鼻感
惠陞資昇瀝於是有滿朝皆太保一節兩尙書之請一日忽語
太監金英曰七月初二日東宮生日也英叩頭曰東宮生日是
十一月初一日上爲之默然景帝所云乃已子見濟余英所對
則天順子皇太子見漢與魏徵獻

後之對全
意人賢之

晉武帝問劉毅曰朕可方漢何帝對曰桓靈帝曰何至於此毅
曰桓靈賣官錢入公府陛下賣官錢入私門以此觀之殆不如
也帝笑曰桓靈不聞此言今朕有是臣固爲勝之

能爲此言似國勝之

唐房玄齡問太宗曰近日北門是何營繕上讓之曰君但知南
牙政事北門小營繕何預君事玄齡拜謝魏徵曰玄齡爲陛下
股肱耳目中外事豈不應知使所營是當助成之非當請罷之
不知何事而責又何事而謝也上大愧服

既問何須謝房不及罷多矣

范石湖重九日經營壽藏之地因爲詩曰家山隨處可松楸荷
鍾携壺似醉劉縱有千年鐵門限終須一箇土饅頭

有僧過天龍禪師。師囑一指示之。僧大悟。後歸寂。謂弟子曰。吾得天龍一指頭禪。終身受用不盡。東坡爲之偈云。談空不必三車語。足用惟須一指禪。

漢成帝嘗與張放宴飲禁中。皆引滿浮白。談笑大噱。時乘輿握坐屏風。圖紂王醉踞妲己作長夜之飲。侍中班伯久病新起。上指謂曰。紂之無道。至於是乎。伯口書詩淫亂之戒。其源實起於酒。上喟然曰。吾久不見班生。今日復聞謠言。

劉平民王筠作亂。自稱知世郎。言世事可知矣。又作無向遼東浪死歌。以相感動。避征役者多歸之一。日帝問侍臣盜賊宇文述。曰。漸少。納言蘇威引身隱入柱後。帝呼問。故答曰。但恐漸近。

唐則天朝王方慶居相位以其子爲眉州司戶天后問曰君在相職子何去之遠乎對曰廬陵是陛下愛子今猶在遠則臣之子安敢與之相近后聞之惻然情動

司馬溫公光一日見邵康節曰明日僧願修開堂說法富鄭公呂晦叔欲偕往聽之晦叔佞佛已不可勸富公果行於理未便光乃後進不敢輕言先生曷止之康節唯唯明日往見曰聞上欲用裴晉公禮起公公笑曰先生謂粥衰老果能起否邵曰固也或人言上命起公公不起僧一開堂公卽出無乃不可乎公曰某實未之思也

唐司空曙病中散遣婢妾作感懷詩曰萬事傷心在目前一身

憔悴對花眠黃金費盡教歌舞留與他人樂少年

汾陽王之子郭曦嘗縱其衛士白日殺人於市子儀之老僕見而擒斬之曦怒訴於汾陽曰奴才敢無禮如此子儀曰彼非奴才也汝真奴才耳曦不服子儀曰居吾語汝汝縱卒殺人是無紀也賊害良民是無義也不識賢愚是無智也恃貴驕人是無禮也無禮無智無義無紀非奴才而何曦慙作而退

漢高帝有疾臥禁中詔守者毋得入羣臣樊噲排闥直入見上枕一宦者股泣曰陛下與臣等初入關何其壯也今天下已定奄奄而臥抑何憊也且閉戶深居獨不見趙高之事乎帝蹙然而起

梁有異僧竺生者於虎丘說法聚石爲徒天花亂落如雨頑石俱爲點頭○得○覺○美○上○公○之○多○事○也一夜聞鬼嘯不絕生公云爾何不爲人去長嘯何爲

明晨見石上大書一絕云做鬼今經五百秋也無歡樂也無愁

生公教我爲人去只恐爲人不到頭○看○破○了○這○苦○也

生○寄○死○歸○繼○活○百○年○到○底○一○場○大○夢○無○論○貧○賤○終○身○了○無○意○

趣○卽○沒○齒○富○貴○於○我○亦○有○何○與○咏○此○詩○者○無○有○理○會○并○生○公○

亦○看○不○入○眼○所○以○敢○於○狂○嘯○畢○竟○鬼○耶○仙○耶○抑○亦○得○力○於○生○

公○之○說○法○者○耶○予○以○爲○此○鬼○比○生○公○見○地○更○高○

王來漁家傲詞云日月無根天不老浮生總被消磨了陌上紅

塵常擾擾昏復曉一場大夢誰先覺洛水東流山四遠路傍幾

個新華表見說在時官職好爭信道冷烟寒雨埋芳艸

廣陵妓黃鶯有姿色豪客填門一日有士子托宿鶯以其繼續

拒之士乃題二絕於屏而去一日嫖婦西施共此身可憐老少

隔千春他年鵲髮雞皮媼今日紅顏花貌人二日花開花落兩

相歡花與人還事一般開在枝頭防客折落來地上倩誰看鶯

頓悟卽日束髮爲女道士

陳眉公云人生在世生老病死關誰能透過但常人猶可獨美

人名將老病之狀尤爲可憐紅顏女子變爲白髮婆婆虎頭健

兒化爲雞皮老翁亦復何樂范少伯載西子泛五湖與姚平仲

之入青城山他年亦未必不死但不使人見末後一段醜態耳

李夫人臨死不肯見漢王良解此意

陳彥修姬有異夢夢一少年携上酒樓酣飲少年按板歌以侑酒并贈一絕覺猶記憶云人生開口笑難逢富貴榮華總是空惟是隋隄千樹柳酒酒依舊水流東

慈覺禪師云飲食於人日月長精粗隨分塞飢倉繞過三寸成何物不用將心細較量思此則口食可省務實野夫云皮包骨肉并屎糞強作妖嬈詭惑人千古英雄皆坐此百年同作一坑塵味此則淫慾可淡

宋大觀中有葛繁者爲鎮江守人問其所行曰予始者日行一利人事嗣後或二或三或數四以至於今四十餘年未嘗少廢

又問何爲利人事因指坐間踏子云此物置之不正則蹙人足
若竭予之盃水並未嘗有所費然皆利人事也惟在隨事以利
之上自公卿下至平民以及乞丐皆可行要在乎常久勿間斷
而已

上元人姚三老者貨甲閭右嘗買別墅其中有池有亭假山皆
太湖怪石奇崛玲瓏又有飛閣曲房藥欄花徑逶迤周折粧點
如畫四圍又有老樹壽藤慈蔭相糾秀色映發魚鳥親人良愜
賞心一日有狂客王大癡者來遊姚留之酌酒半酣大癡曰樂
哉茲墅價值幾何三老曰約千金大癡曰二十年前老父曾觴
咏於此告我費且萬余翁何得之易耶三老曰我謀之已久可

謀在升油落機

時原索貴價俟其子孫須用甚急至無可奈何時只得賤售大
癡曰翁當劾刻石平泉垂戒子孫後日無可奈何不宜賤售三
老始聞之勃然怒少焉愀然不樂既而踴躍而起引觴浮白謝
之曰是真達者之言老憊空爲作牛馬矣

莫造園莫造屋何用經營興土木造屋人在堂拆屋人在腹
不知造時榮但見拆時辱休占田休占地占多田地增家計
東○西○南○北○恣○兼○併○誰○知○戶○役○隨○田○至○生○前○將○爲○子○孫○謀○身○後○
反○爲○子○孫○累○覺○隱○有○詩○云○一○派○青○山○景○色○幽○前○人○田○產○後○人○
收○後○人○收○得○休○歡○喜○又○有○收○人○在○後○頭○觀○此○真○堪○醒○悟○

楊尙書玠致仕歸長安舊居爲鄰里侵占子弟欲請縣訴其事

以狀白玢玢批紙尾云四鄰侵我我從伊畢竟須思未有時試
上含元殿基望秋風秋草正離離子弟悟俱不復有言

楊宗喬尹新鄉峭直不下人監臨惡其不遜同列從而交構勢
如騎虎不可收拾一日桂古山過之喬告以故山曰譬如對奕
且饒一着譬如爭路且退一步便無事矣喬惕然謝教告改教
職其禍遂解

光祿卿王守和未嘗與人有爭嘗於几案間大書忍字於緯帳
之屬則以繡畫爲之明皇知其名非時召對曰卿名守和已知
不爭好書忍字已知用心奏云臣聞堅則易斷剛則必折萬事
忍爲最上和爲最樂上甚善之

杜河南藏書萬卷每卷題云清俸買書手自校汝曹讀之知聖
道。嗟之。嚮之。爲不孝。此可謂遺子孫以正者矣。第不知其後能
遵之否。李德裕戒子毋以平泉花木與人。身沒未幾。竟爲烏有。
魏徵之宅。大唐撤殿材成之。少間卽至易姓。蕭瑀之宅。改爲薦
福寺。馬燧之宅。改爲奉誠園。郭汾陽之宅。改爲法雄寺。遷易廢
興。倏如傳舍。可慨也夫。

堪笑世人。每因尺寸之地。爲子孫計。以致雀角鼠牙。豈非大
夢。

昔盧尚書家有王內史借船帖。甚寶之。張賓護作札。假觀。答云。
曾未借出。只可就觀。張笑而鄙之。亦不往看。已而盧之乃郎。極

其不肖竊出持售張所張驚嘆良久婉辭謝却昔人云積書於子孫未必能讀積金於子孫未必能守得賢者亡或遲遇拙者失便速古今大都如是爲之三慨

尚書見識陋嗇宜乎得此佳公子我喜張公不往看已妙不買之更高若今人遇此罕物借而不肯送上門來怎不視爲奇貨

陸平翁云人生如蝶夢世路總亡羊予晨起偶閱三國志得此二句因思曹劉孫及關張五人方其鼎立真可謂概世英雄今人代屢更江山如舊寥寥千載人耶鬼耶以道眼觀之直是蝸牛角上爭雄蝴蝶夢中鬪智可發一大噱可發一大嘆

吾儕處世功名富貴刺不可少及於鐘鳴漏盡時一回想之
真如夢幻泡影露滋電光轉瞬而滅大堪猛省坡公不云乎
月明星稀烏鵲南飛此非曹孟德之困於周郎者乎此固一
世之雄也而今安在哉每讀此賦未嘗不爲之廢書三嘆也
孫真人銘云怒甚偏傷氣思多太損神神虛心易役氣弱病相
侵勿使悲歡極常令飲食均再三防夜醉第一戒晨喚寢寢鳴
雷鼓謂叩辰興激玉津謂嚙妖神難犯已精氣自全身若要無
百病常當節五辛安神宜悅樂惜氣保和純壽夭休論命修行
本在人時時遵此理平地可朝真

此真養生第一要訣吾輩多病人宜書之座右

陸○文○達○有○歌○云○聰○聰○聰○勞○我○一○生○天○理○定○若○還○懶○情○受○飢○寒○莫○
到○窮○時○方○怨○命○虛○空○自○有○神○仙○聽○定○定○定○衣○食○生○身○天○付○定○酒○
食○食○多○折○壽○源○經○營○太○甚○違○天○命○不○如○且○自○安○常○分○
此○是○人○定○勝○天○

張○季○鷹○辟○齊○王○東○曹○橡○在○洛○見○秋○風○起○因○思○吳○中○尊○菜○羹○鱸○魚○
膾○嘆○曰○人○生○行○樂○耳○須○富○貴○何○時○即○日○命○駕○歸○後○齊○敗○人○以○爲○
智○

晉○石○崇○潘○岳○與○賈○謐○友○善○及○謐○廢○懼○見○危○乃○與○淮○南○王○謀○誅○趙○
王○倫○事○泄○收○崇○并○及○岳○初○岳○母○誡○以○止○足○之○道○及○被○收○與○母○別○
泣○曰○負○阿○母○矣○崇○赴○東○市○嘆○曰○吾○罪○不○至○此○不○過○奴○輩○利○我○財○
耳○今○日○見○殺○富○貴○害○之○行○刑○者○笑○曰○蚤○知○財○之○爲○害○何○不○預○散○

崇不能答

齊國有老翁無子而家甚富性最鄙吝飲食不過蔬腐鄰一象
師極寒素每遇節輒以館穀市佳殺美醢與妻歡飲翁聞而羨
之謂婦曰彼尚不肯自苦爾我爲憊曷不効彼一次婦曰善乃
買酒肉恣啖夜夢神責之曰爾何擅盜府庫錢糧翁曰生平謹
守何敢非爲神曰日間所費非庫中物耶翁曰鄰人甚貧每輒
自樂我却自掙何乃云然神曰彼自天生福分你不過代人看
守何得妄動分毫上帝有旨着汝夫婦三句不能飲食以補其
數翁驚醒語其婦婦猶未信明日果並患吐瀉經月始愈後沒
家貲盡爲宗族分散

冠準被貶時丁謂與馮拯同在中書謂欲擬崖州拯曰雷州可也謂後亦貶拯亦隨與雷州時人爲之語曰請看雷州冠可戶人生何處不相逢

莊子妻死惠子弔之莊子箕踞鼓盆而歌曰堪笑人生事有如花開謝妻死我必埋我死妻必嫁我若先死時一場大笑話田被他人耕馬被他人跨妻被他人戀子被他人打以貶慟傷心相看泪不下世人笑我不悲傷我笑世人空斷腸世事若還哭得轉我亦千愁淚萬行惠子曰不亦甚乎莊子曰彼且假然寢於巨室我則嗷嗷然從而哭之自以爲不通乎命不達於理故止也惠子聞言大笑而去

山簡聞王戎之言乃大哭而別以其亦情重人也惠子蔬乾
生之語竟大笑而去以其爲忘情輩也志趣各殊見地各別
故也

巴東下巖院主僧偶得一青磁碗携歸折花供佛前經宿花滿
其中興之更置米明日米亦滿復置錢及金銀皆然自此院中
富盛及院主年老一日過江檢田懷中取碗投之中流弟子驚
愕追惜師曰我死汝輩能謹飭自守乎若藏之不密適足以取
禍吾今棄之益不欲汝曹增罪戾也

明太祖時蘇民沈萬三家有一聚寶盆置少亦多上聞之取
試鑒驗仍以還沈後築應天城將築此盆之吳復命取鎮

音門下因名曰聚寶門并徙沈於雲南觀此則知主僧之有見。

聖世稱為高尚道人王子常侍郎問以修行之術答曰非道亦非律又非虛空禪獨守一畝宅唯畊方寸田又云以手捫胸欲心清淨以肱上下欲氣升降又云常人以嗜慾殺身以貨財殺子孫以政事殺百姓以學問殺天下後世無是四者修行之道得矣後靖康之變莫知所終。

武王入殷殷有長者往見之問殷之所以亡封曰王欲知之則請以日中為期及期弗至王怪之周公曰吾知之矣此真長者也義不非其主若夫期而不當言而不信此卽殷之所以亡也。

已以此告王矣王頓悟

天之將明必倏然而暗火之垂滅必倏然而明花果樹木將死
先一年必花繁而實盛其氣始脫人病垂沒亦必稍稍健旺故
曰老健春寒秋後熱夜半殘燈天曉月皆至不長久最不足恃
之事人能覺悟斯理則倏暗之時非所憂倏明之頃不足喜衰
之至者盛之機也盛之極者衰之兆也凡事退一步却勝過進
幾步雖云人事實天道也

晉書翟莊少以釣弋爲事及長不復獵或問漁獵同是害生之
事公何止去其一莊曰獵自我去漁自物來未能頓改姑節其
甚者

食餌吞鈞。豈自我主哉。魚死於食。士死於祿。皆食也。觀此。則知食之一字。乃喪身亡家之本。

宋呂祖謙以關洛爲宗。少辯急。一日誦孔子躬自厚而薄責於人。忽覺平時忿憤。渙然冰釋。學者稱爲東萊先生。

梁蕭允孫。禍之所來。皆生於利。苟不求利。禍從何生。顧希武曰。積財可以備患。患亦生於多財。與其因患而破財。孰若不積財而無患。人以爲名言。

臨川聶大年東鄉著。座右銘云。短不可護。護則終短。長不可矜。矜則不長。尤人不如尤己。好圓不如好方。用晦則莫與爭智。拙則莫與爭強。多言者老氏所戒。欲訥者仲尼所藏。妄動有悔。

勿如靜而勿動太剛則折曷若柔而勿剛吾見進而不已者數
未見退而自足者亡爲善斯遊君子之域爲惡則入小人之鄉
吾儕書紳帶以自警刻盤盂而若傷豈常存於座右庶夙夜之
不忘

佛言一切世間皆從因生而因始生緣種好因則成好緣種惡
因則成惡緣吾未聞瓜因而莖生莖因而反生瓜故曰種瓜得
瓜種豈得豈又云欲知前世因今生受者是欲知後世因今生
作者是因緣者卽因果之說也是以如來教諸健兒慎勿作因
良有以也吁可不警哉

妓女燕採瑜才色雙絕偶因積雪閑坐因墮一雪美人爲戲一

士過之援筆題曰誰把輕盈妙手裝成絕趣粉頭闌干穩坐不
於在何處是雪人形從何可說
知羞終日開張笑口偶遇多情交好遍身香汗通流可憐化去
沒人收隨着江兒水走掇瑜聞之心爲慘然遂萌從良之願
宋張詠在益州開冠準入相謂僚佐曰冠公奇材惜學術不足
耳及出知陝適詠自成都還準送之郊問曰何以教準詠徐曰
霍光傳不可不讀準不論其意及歸取光傳誦之至不學無術
乃悟而笑曰此張公謂我矣

黃龍寺晦堂老子嘗問山谷以吾無隱乎爾之義山谷詮釋再
三晦堂終不然其說時暑退涼生秋香滿院晦堂問曰汝聞桂
花香乎山谷曰聞晦堂以杖擊一下曰吾無隱乎爾山谷大服

而返

文殊謂維摩詰曰何爲是不二法門摩詰視而不應文殊曰乃
下○注○解○即○者○在○如○伊○非○無○義○
至無有言語文字是真入不二法門

昔一尼悟道作詩云盡日尋春不見春芒屨踏遍嶺頭雲歸來
笑撚梅花嗅春在枝頭已十分孔子曰道不遠人孟子曰道在
邇而求諸遠正是此意

石鞏和尚嘗張弧挾矢以待學者義忠禪師詣之鞏云看箭師
卽披襟受之鞏撫弓笑曰三十年拽弓挾矢只射得那半箇漢
子

王澹雲曰老也希得淡也戀名垂盡也還顧妻孥田宅此委順

之反也。畢竟了此一着。便爾滿局全贏。吾將爲達人鼓掌。吾更爲才士解頤。

委卽撇下屠刀之謂順。卽素位而行之謂人。惟不肯委。又不

能順。所以種種牽纏。老死不置。究竟一想。真堪發笑。

漢武刻意求仙。至以愛女妻方士。可謂顛倒已極。至末年。乃忽

頓悟曰。天下豈有神仙。盡妖妄耳。惟節飲食。服藥餌。差可少減。

病魔。故宋人劉潛夫有方士傳詩云。但聞方士騰空去。不見童

男入海回。無藥能令炎帝在。有人曾哭老聃來。

唐子畏題列仙傳云。但聞白日昇天去。不見青天走下來。有朝

一日天破了。大家都叫阿呵呵。又有句云。佛祖無奇但作陰功。

不作孽神仙有法只生歡喜不生愁無藥可延壽相壽求醫也是徒然有錢難買子孫賢積玉總爲無用皆警悟語可以警醒一切

謝天瑞曰有客問予處順境易處逆境難信乎余曰兩者俱難惟智者處之均無難也順境者人心縱逸之時也縱之不已天奪其魄故曰小人福薄福過災生逆境者動輒悔吝之時也悔之痛切天必佑之故曰爭者在門慶者在閭是故處順而知懼處逆而知憂則禍患不能及焉

上士達則不憂下士愚亦無憂憂之所鍾其在中人乎易曰君子終日乾乾夕惕若憂懼二字原是小心謹慎之本但不

可○無○事○預○憂○及○臨○事○過○變○事○去○空○憂○以○蹈○傷○生○之○病○耳○
咸○澤○禪○師○住○廣○嚴○院○逍○遙○自○足○一○僧○問○如○何○是○廣○嚴○家○風○師○曰○
一○塢○白○雲○三○間○茅○屋○僧○言○下○解○悟○稽○首○而○退○

漢文帝弟淮南王長犯不軌詔徙蜀不食死民爲之歌曰一尺
布○尙○可○縫○一○斗○粟○尙○可○舂○兄○弟○兩○人○不○相○容○帝○聞○之○大○悔○恨○
唐太宗開居有美人侍側指謂王珪曰此廬江王瑒之妻也瑒
殺其夫而納之珪曰陛下以廬江之爲是耶非耶上曰殺人而
取其妻卿何問是非珪曰昔齊桓知郭公之所以亡由善善不
能用惡惡不能去然棄其所言之人管仲以得無異於郭公今
此美人在側竊以爲聖心是之也遂跪辭拜出之

張寧晚年無嗣因多置姬妾一日禱於家廟曰寧有何罪至累
先人傍一妾曰擔誤我輩卽陰懷矣公首肯卽日贈嫁數人後
遂得子

陸平泉曰造物如房主我身是賃戶若年分一滿便不許住了
此謂大限或曰不盡然如借房人安分守法不得罪主人彼此
相和便客再住幾年亦有此理

昔一富翁家資殷厚吝恤錙銖忽有僧爲之募緣與以銀米錢
帛輒不受必欲化元寶二錠人以爲狂置不之睬其僧端坐門
左三年不去翁見其誠姑以兩錠畀之復遣使密覘其行止僧
大喜持往至一野寺席地跏趺將元寶撫摹玩弄若至愛惜者

然少間脫衣包裹作枕而臥使伺睡熟竊歸覆翁益笑其狂頃之又至仍要化元寶翁曰適已與汝何故復來僧曰可惜兩個元寶纔閉了眼就不見了翁言下忽悟遂棄家隨遊後竟得道莫知所終

魏文侯見段干木力倦不敢息及見翟璜踞堂而與言翟璜不悅文侯曰段干木官之不肯祿之不受今汝官居相位祿食上卿既受吾賞又責吾禮毋乃難乎璜無以應

唐李存勗與朱溫戰河上破梁夾寨時當酷暑及卽位患宮中熱遣王允平別營避暑樓郭崇韜諫曰願陛下勿忘創業之難一如河上則可使溽暑變爲清涼矣莊宗慨然遂止允平之役

衡山希遷大師有僧問如何是解脫師曰誰縛汝又問如何是
淨土師曰誰垢汝又問如何是涅槃師曰誰將生死與汝僧大
悟

白樂天將卜居因作詩云莫嫌地窄園亭小莫厭家貧活計微
大有高門空鎖宅主人到老不曾歸

史彌遠卒久一日白晝現形作詩引咎朗吟云早知泡影須臾
事悔把恩讐抵死分

賈似道建多寶閣廣羅古器日一登玩有老僧詣門借觀觀畢
拜謝賈曰不以與汝何謝之有僧曰君與我同此一觀我觀之
與藏者何異聞者大服

旆符仰視艾人而罵曰是何等州人輒敢居我上艾人俯應曰
汝已半截入土猶爭高下手桃符怒紛然不已門人顧盼而解
之曰吾輩不肯方傍人門戶何暇爭閒氣耶乃一笑而罷

明成化初邢宥爲蘇郡守以民多隱田立清丈法或投詩諷之
曰量盡山田與水田只留滄海與青天如今那有閒洲渚寄語
沙鷗莫浪眠邢爲廢法

何文淵守溫州有兄弟惑婦言而爭訟者何詢知其情判云祇
緣花底鶯聲巧致使天邊雁影飛兄弟悔服

宋太祖嘗後苑彈雀一臣叩殿稱有急事及出見奏乃常事詰
曰此事何急對曰似急於彈雀上怒以斧柄撞墮其齒因伏地

取置懷中上曰汝將此齒語我耶對曰臣則何敢自有史官誌之耳上怒解賜金幣慰勞而去

張芸叟屢經遷調快快不樂嘗內集咏物賦詩其少女分得蠟燭題有云莫訝淚頻滴都緣心未灰芸叟悟遂釋躁進之意因自號爲浮丘居士

袁了凡好談地理曾訪至光福問一村農曰頗聞此地有好風水對曰小人生長於斯已三十年矣但見帶紗帽者來尋地不見帶紗帽者來上坟公恍然大悟

白樂天有云親故歡娛童僕飽始知官爵爲他人予謂豈惟官爵凡多積而不善爲我用者徒爲他人造孽於已惟招怨報耳

明有富翁積金鉅萬愛惜秋毫及病革命取巨鎚手摸注視太
息曰美哉阿堵奈何欲棄此去乎余聞而笑曰何不令與白骨
同葬

明尚書劉南桓請老家居有直指使以飲食苛求屬吏有司患
之公曰此我門生當曉諭之俟其來留欸之曰老夫欲設席恐
妨公務家常便飯能對食乎使不敢辭自朝過午連進苦茗使
飢甚止食至惟脫粟飯廣一器而已各食三碗使已過飽少頃
佳餚美醢羅列盈前不復下箸公過強之對曰飽甚不能矣公
笑曰可見飲饌原無精細飢則易爲食飽則難爲味時勢使然
耳使喻其諷已後不復以盤殮責人

更齋三譬

事者閒之反也。人若有事，則此身便不安閒。隨風雨疾病，不
得不奔馳料理。苟能上無公逋，下無私負，和羹淡菜，勝似珍饈。
曲肱安寢，賽如高枕。古云：富則多事，又云：無事爲福。淡有味乎？
斯言以此一譬，則有事可化爲無事，而况本無所事，何幸如之？
病者健之反也。人若有病，則此軀怎能康健？隨爾飲食起居，不
由不呼號困頓。苟能四體兼強，五官並適，步履優悠，可當車馬
舉止便利，無異神仙。古云：愁能致病，又云：病足傷生。深有會於
斯言。以此一譬，則有病可幾於無病，而况實無大病，何樂如之？
死者生之反也。人若至死，則此心更不由我做主。隨爾妻孥田

宅○錦○花○世○界○不○怕○不○盡○行○拋○撇○苟○能○色○空○空○色○水○月○鏡○花○塵○緣○
不○擾○參○破○迷○關○愛○根○盡○滌○掃○除○障○礙○古○云○隨○爾○宜○情○濃○歸○時○帶○
不○來○由○你○生○趣○重○死○時○將○不○去○深○有○悟○乎○斯○言○以○此○一○譬○則○貪○
嗔○漸○斷○煩○惱○咸○除○冤○既○可○解○恩○亦○自○釋○自○然○忿○爭○遽○息○情○慾○頓○
消○不○求○生○而○轉○可○生○常○憶○死○而○反○不○死○何○快○如○之○

嗟○乎○予○年○已○屆○知○非○矣○世○上○應○無○百○歲○人○蚤○已○十○去○其○五○人○
生○七○十○古○來○稀○不○且○三○逾○其○三○昔○人○云○來○日○漸○少○去○日○苦○多○
此○之○謂○矣○况○予○性○做○修○未○免○好○大○喜○功○一○生○多○事○更○兼○所○遇○
多○違○沾○滯○不○能○擺○脫○所○以○本○無○所○事○而○心○事○偏○多○實○無○大○病○
而○心○病○轉○劇○不○知○有○限○光○陰○何○堪○虛○度○無○端○愁○緒○奚○用○糾○牽○

急急回頭日焉三譬聖人云能進取譬予雖不敏請事斯語
乃作三譬以自解曰君子有三畏予既非其時曾氏有三省
予又無其志予今設三譬更爾自爲計不以此勸人非以此
諷世少者壯者不可聞進者銳者莫足喻然則予將何說乎
亦曰聊以安其遇因附錄以質諸善達觀者

遺愁集卷十一

○○○一集吐氣

理直氣壯情真語當鑿鑿而談侃侃而言聞之首肯聆之醉
心凌風擲地玉振金聲集吐氣

漢哀帝時鄭崇爲尚書好直諫貴戚惡之上詰之曰君門如市
何以欲禁絕主上對曰臣門如市臣心如水

唐段文昌負才傲俗落魄荆湘間江陵街市有大宅一所飭流
渠高殿壯麗文昌乃濯足渠上自言我若作江陵節度當買此
以居聞者咸笑之後果鎮荆南遂買其宅

齊武帝時周龍盤爲散騎常侍頂貂冠見上上戲曰戴貂蟬冠

何如着堯牟答曰此貂冠實從堯牟中來耳上深然之
齊大饑黔敖爲食於路以待饑者有人蒙袂接屣貿貿然來放
左手捧食右手執飲曰嗟來食其人揚目而視曰予惟不食嗟
來之食以至於此也敖聞而謝之終不食而死

漢惠帝無嗣大臣迎立代王至渭橋上璽符王西向讓者三南
向讓者再始卽位太尉周勃請問宋昌曰所言公公言之所言
私王者無私何用問爲勃乃氣沮是夕卽拜昌爲衛將軍

漢龔遂爲渤海太守單車獨行至府勸課農桑使民賣劔買牛
賣刀買犢路見有帶劔持刀者卽呼諭之曰汝等皆我良民何
爲帶牛佩犢

漢元克國年已七十餘先零諸羌叛宣帝問誰可將對曰
老臣復問度羌何如當用幾人答曰兵難遙度願至金城關上
方畧及至設立屯田誘羌降服乃振旅而還

曹操以孫劉和好欲遣使說降周瑜以離間之蔣幹自謂與瑜
有舊請行瑜知其來意乃盛陳兵衛會集將佐大開營門始延
之入復設宴款待酒酣謂幹曰大丈夫處世遇知己之主言
計從屬福共之假使蘇張復生能移其志乎言畢大笑幹竟不
能進一語

魏使邢貞拜孫權爲吳王吳使趙咨入謝丕問吳王學乎咨曰
吳王志存經畧不效書生尋章摘句又問如大夫者幾人咨曰

聰明特達者八九十人如臣之比車載斗量不可勝數

孫皓降晉賜爵歸命侯設御宴待之賈克謂曰聞君在江南鑿人眼珠剝人面皮此何等刑也皓曰人臣有弑其君篡其位及姦回不忠者則加此刑耳充與武帝皆默然深愧

郭默殺劉胤王導以默驍勇難制命爲江州刺史陶侃聞之投袂而起曰默殺方州卽爲方州若害宰相卽爲宰相乎導以書答侃謂包容含忍所謂遵養時晦侃大笑曰是乃遵養時賊也卽起兵斬之

趙王石勒問徐光曰朕方古何主對曰過於漢高勒笑曰人豈不自知朕遇漢高當北面事之與韓彭比肩若遇光武當與並

驅爭先未知鹿死誰手大夫夫行事磊磊落落如日月皎然終不效曹孟德司馬仲達欺人孤兒寡婦狐媚以取天下也

初何尚之致仕退居方山議者咸謂其不能固志旣而詔起果出視事後沈慶之請老表數十上詔聽以公就第頃之宋主欲復用遣尚之往起之慶之笑曰沈公不效何公往而復返尚之大慙

魏并州太守韋孝寬守玉壁高歡悉衆圍之孝寬隨機應變以拒之歡無如之何乃使祖珽說之使降孝寬曰攻者自勞守者自逸孝寬關西男子必不爲降將軍也歡智勇俱困遂解去周楊素多才藝有大志命爲詔書下筆立就詞義兼美周主曰

勉之勿憂不富貴也○素曰○臣本無心求富貴○但恐富貴來逼人耳○

李世民伐王世克○世克隔水謂曰○唐帝關中○鄭帝河南○世克未嘗西侵○王忽舉兵東下○何也○世民應曰○四海咸仰威風○惟公獨阻○聲教爲此而來○世克曰○相與息兵○講好不亦善乎○又應曰○奉詔取東都○不令講和也○至暮卒擒之○

唐太宗時○畿內有蝗○上擲數枚○視曰○民以穀爲命○而汝食之○是絕民之生○寧食我之肺腸○遂吞之○蝗果不爲災○

唐李晟○擊朱泚○斬之○收復京城○作露布上行○在日○臣已肅清宮禁○賊聞國變○鐘鼓不移○廟貌如故○德宗見之泣下○曰○天生李晟○

爲社稷非爲朕也

昔王故事一委張承業一日王須錢賜伶人承業斬之王乃置酒庫中令子繼岌爲承業舞指錢欲賜之承業曰此錢大王所以養戰士不敢以爲私禮王不悅語侵之承業怒曰僕非爲子孫計惜此庫錢所以佐王成霸業也不然王自取之何用僕爲王怒索劒承業起挽衣泣曰僕受先王顧托之重誓爲國家滅汴賊若以惜庫物死於王手下見先王無愧矣曹夫人聞之王惶恐叩頭謝請承業痛飲以分其過承業不從夫人復遣人謝未幾承制授承業開府儀同三司左衛上將軍燕國公亦不受但辭唐官終身

宋真宗常問李沆治道所宜先對曰不用浮薄新進喜事之人
此爲最先一夕帝遣使持手詔欲以劉美人爲貴妃沆引燭焚
詔謂中使曰但道臣沆以爲不可其事遂寢又問沆卿何故獨
無密奏對曰臣待罪宰相公事則公言之何用密答人有密答
非謾卽佞臣甚惡之豈可效尤上深然之

宋張詠卒遺表言不當造宮觀竭天下之財傷萬民之命此皆
賊臣丁謂誑惑陛下乞斬謂頭置之國門以謝天下然後斬詠
頭懸丁氏門以謝謂上歎其忠卒不能從

宋范仲淹敦尚風節晏殊深器之薦爲秘書校理時劉太后臨
朝仁宗帥百官朝見仲淹上疏言天子不可與臣僚同列北面

殊聞之大懼詰以狂率仲淹曰辱公之薦每懼不能稱職爲知已羞不意反以忠直獲罪門下殊不能答

宋王曾執政進退人才莫有知者范仲淹謂曰明揚士類宰相任也公之器德獨少此耳曾曰恩欲歸已怨將誰歸耶仲淹深服之

宋趙抃爲中丞舉吳中復爲御史未識其面或問之答曰昔人恥爲呈身御史今豈薦識面臺官耶彈劾不避強貴時稱鐵面御史

司馬光將改熙豐之法范純仁曰去其太甚者可也差役當熟講而行之願公虛心以延衆論光不從持之益堅純仁曰是

使人不得言耳。若欲媚公以爲容悅，何如少年合安石以速富貴哉？尤深謝之。

遣使耶律永昌來聘，蘇軾館之。與之入覲，見文彥博於殿外，卻立改容曰：「此非潞公也。」耶問其年，曰：「何壯也？」軾曰：「使者見其容，未聞其語，其綜理庶務雖精鍊，少年有不如其貫穿古今雖專門名家有不逮永昌拱手曰：『真天下異人也。』」

宋徽宗數徵行秘書正曹輔，上疏切諫，帝令赴都堂審問。余深責之曰：「汝乃小官，何敢遽論大事？」輔曰：「大官不言，故小官言之。官有大小，其愛君之心一也。深不能答，卒編管於郴州。」

韓世忠、國淮、楊金、兵救之。世忠遣人語曰：「錦衣驄馬立陣前者。」

韓相公也。及敵至，連殺其二帥，遂引去。

曾開晏敦復、尹焞及李綱等連章諫和議，不聽。胡銓抗疏謂王倫本狎邪小人，市井無賴，附會秦檜，疎近伴食中書，贊成和議。臣備員樞屬，義不與羣姦共戴。天地書上，連貶竄陳剛中啓書致賀吳師古，毀其書於木。金人募之千金，人謂磨菴抗疏可與日月爭光。爲中興奏疏第一。

張浚使李顯忠帥師伐金，復靈壁及宿州。捷聞，高宗手書曰：「近得邊報，中外鼓舞。十年來無此克捷。」邵宏淵曰：「招討其開西將軍。」

宋御史中丞黃洽嘗言：「予有五不欺：居家不欺親，仕不欺君，仰。」

不欺天。俯不欺人。由不欺鬼神。

甄琛好奕棋。通宵不輟。嘗令老奴持燭旁立。睡則加楚。奴曰。郎君辭父母至京師。若爲終夜讀書。受罰不辭。今以奕故。橫加杖責。不大非理乎。心實不甘也。琛慙爲之改節。

唐裴度爲東都留守。辟皇甫湜爲判官。修福先寺。將立碑。使人求文於白居易。湜怒曰。近捨湜而遠取居易。請從此辭。度謝之。湜乃請斗酒。縱飲極酣。援筆立就。度驚歎曰。不羈之才也。

張邦彥官至太宰。父嘗爲銀工。或以爲誦。邦彥羞之。歸以告母。母曰。宰相家出銀工。良足爲愧。銀工家出宰相。乃是美事。何足爲恥。

朱溫篡位之日。與宗族飲博。酒酣。其兄全昱忽投瓊擊盆中。迸散。睨視曰。朱三爾。碭山一百姓。從黃巢爲盜。天子用汝爲四鎮節度使。不知朝廷於汝何負。而滅唐家三百年社稷。吾行見汝赤其族矣。尚何以博爲。溫愕然。

明天淵髯長數尺。仕元爲學士。元亡。削髮爲僧。改名來復。見心。而其髯如故。太祖定天下。召至。怪而問之曰。汝不欲仕我而爲僧。吾亦任汝。然留鬚亦有說乎。對曰。削髮除煩惱。留鬚表丈夫。上深以爲然。

南京歷代皇帝廟。每年一祀。各位前皆一爵。惟獻漢高以三爵。蓋因廟初成時。太祖臨祭禮畢。復至漢高神位前。笑語曰。劉君。

通鑑集
今日廟中諸公○當時皆有所憑藉○以得天下○惟朕與君不階寸土○手提三尺○致身天子○比諸公尤爲難事○可共多飲○二爵○迄爲定例○

元迎帝師至京○有旨令朝臣一品以下○乘白馬郊迎○大臣俯伏進觴○帝師不爲動○字木魯稱時爲祭酒○舉觴立進○曰帝師釋迦之徒○天下僧人師也○余孔子之徒○天下儒人師也○請各不爲禮○帝師笑而起○舉觴卒飲○衆有慙色○

宋王曾自青州發解○及南省廷試○皆首選○劉子儀戲之曰○狀元試三場○一生喫著不盡○曾正色曰○平生之志○豈在溫飽○
晉王述轉尚書令○得詔便拜○其子曰○故事當讓○述曰○汝謂我不

堪耶子曰。何爲不堪。但克讓爲美事耳。述曰。旣謂堪之何須復讓。

靖難兵掠彰德。都督趙清禦却之。城中乏薪。毀屋以炊。王知其困。遣人招之。清對使言。殿下至京。但以片紙召清。清不敢不。至今爲朝廷守。封疆其敢棄命失職乎。王悅其說。命緩其攻。尉馬都尉梅殷尚高后長公主。鎮守淮安。燕王來假道。乃割使。者其授。語。爲殷下言。君父之恩。義不可違。及華命日。大恟。幾。結。難。公。主。嚙。血。爲。書。招。之。殷。至。王。曰。尉。馬。勞。苦。殷。曰。勞。而。無。功。王。曰。後。爲。魯。家。構。死。宜。構。王。公。主。疑。上。意。指。使。率。衣。痛。擊。尉。馬。殷。遂。逃。來。王。皇。笑。解。之。即。官。其。二。子。

遺愁集卷十一

○○○一集羞澁

一於法不合於理不宜言者扭捏聽者忸怩姑作解嘲聊且支吾自覺無顏勉強收收集羞澁

蜀簡州刺史安童伯性貪賄州民有油客鄧姓者家資鉅萬以善奕名伯因召與對敵却令侍立每落一子伴卽退站牖下俟已算定乃使之進終日不下十數子復不與飲食鄧旣立倦且飢甚不堪連日被召殊以爲苦或曰彼意不在棋何不獻賂以求免鄧不得已從之托人餽以千金乃獲止

唐肅宗殺建寧王倓李泌引武后事以諷諫謂武后有四子長

日弘后方圖稱制惡其聰明酖殺之。立次子賢。賢內懼乃作黃臺瓜詞曰。種瓜黃臺下。瓜熟子離離。一摘使瓜少。再摘使瓜稀。三摘猶爲可。四摘抱蔓歸。今陛下已一摘矣。慎毋再摘。上聞之愕然。

史記漢王父太公爲項羽所得。乃以高祖置其上。使人告曰。今不急下。吾烹太公。王應曰。吾與若受命懷王。約爲兄弟。吾翁卽若翁。設欲烹爾翁。幸分我一杯羹。羽怒。果欲烹之。項伯諫曰。吾聞爲天下者不顧家。殺之無名。不如捨之。乃得免。

康百可云。有一士人性極貪鄙。取人不遺銅銖而已。之所有分毫不捨。或譏其吝。答云。一介不與。聖人之道也。或云。然則一介

不取君以爲何如答云此則願學而未能也或笑曰若爾君只好學得半邊聖人

天下如此輩儘多想俱學得半邊聖人大率皆奉教此士人耳

洪武三年元主殂李文忠捷報至適百官方朝見遂相率稱賀劉炳亦在內上曰爾本元臣今日之舉爾不當賀炳慙謝

高祖是有人心語情理俱是但旣肯臣事二君想亦未必打算到此况身已在列賀固不可不賀又不敢所以做此等人最難

明靖難兵至京曹國公李景隆開門放入後以犯法且得議云

十八子當有天下。上令執詔獄論死。景隆見上大呼曰。陛下非○使○人○自○決○臣開門奉迎。何以得有今日。止折之曰。幸是朕來。若他人至。汝亦開門延之耶。景隆語塞。

漢高帝卽位。冊后立子而不封及太公。一日來朝。太公乃擁篲迎門。却行。上大驚。下扶。太公曰。帝爲人主。奈何以我亂天下法。乃尊爲太上皇。

漢霍光迎立宣帝。冊后皆擬光女。上求微時故劔。大臣知旨。爲立許婕妤。會許氏病。媛光妻顯欲貴其少女成君。乃使女醫淳于衍投以毒藥。遂崩。光心知之。猶豫不忍發。

唐太宗見太白晝見。問太史李淳風。對曰。唐三世後女主武王。

代有天下上以將軍李君羨小字五娘官稱封邑皆合武字乃
黜爲華州刺史尋殺之以應讖記復以問淳風對曰天數已定
不可妄戮無辜今聽其自然則其人已老或者尚望其回心倘
誅求無已縱或得之若天更生少年此事反爲難制上默然
唐高宗之爲太子也入侍太宗見才人武氏而悅之太宗崩出
宮女武氏爲尼上詣寺行香見而泣因納入後宮爲昭儀昭儀
潛扼殺女以誣王皇后上由是有廢立意恐大臣不從乃與武
氏幸長孫無忌第酣飲極歡拜無忌寵姬子三人爲朝散大夫
復賜金寶繒帛十車從容言皇后無子以諷之無忌故對以他
語上不悅而罷明日召入內殿謂曰武昭儀有子欲立爲后何

如褚遂良曰。皇后名家子。先帝臨崩。執陛下手。謂臣曰。佳兒佳婦。今以付卿。非有大故。不可廢也。明日又言。對曰。陛下必欲易后。請妙選天下。令族何必武氏。武氏經事先帝。衆所共知。萬代之後。將謂陛下爲何如。主上大怒。無語。又明日。許敬宗宣言於朝曰。田舍翁多收十斛麥。便欲易婦。况天子乎。上以問李世勣。對曰。此陛下家事。何必更問外人。於是遂決廢王皇后而立武后。

賈似道以去要君。度宗拜留江萬里曰。自古無此君臣禮。似道曰。微公幾爲千古罪人。然心益忌之。萬里恐其中傷。遂力求去。史嵩之以父喪去位。特詔起復之。太學生黃體伯等上書切諫。

不報時范鍾領相事。惡諸生言事。諷京兆尹趙與籌驅逐遊士。諸生聞之。乃作捲堂文以辭。宜聖遂行。嵩之自知公論不容。始上疏乞終喪制。

唐李孝本二女。姿容極麗。沒配右軍。文宗取之入宮。拾遺魏贄上疏諫。上曰。朕憐其孤露。收養官中。營於疑似之間。遽能盡言。可謂愛我不忝乃祖矣。

宋真宗深以澶淵之盟爲辱。王欽若請封禪以誇示外國。帝恐王旦不從。尚猶豫。會幸秘閣。驟問杜鎬曰。自古河圖洛書果何事耶。鎬老儒。不測上旨。設應曰。此聖人以神道設教耳。上意遂決。卽日召旦飲甚歡。且賜以尊酒曰。此酒極佳。歸與妻孥共之。

通鑑集
卷十一
及發封皆美珠也。旦悟上意，且感其恩，勉從之。上乃謂羣臣曰：「夜半忽有神臣星官，絳衣告曰：『當降天書。』」大中祥符三篇，適覩皇城司奏：「左承天門有黃帛曳鳴尾上，蓋所降書也。」因步至承天門，遣內臣升屋奉以下。旦等跪進，帝再拜受之，盛以金匱。王欽若率羣臣以祥瑞稱賀。

宋王欽若爲樞密使，丁謂參知政事，而陳彭年、劉承珪、林特等三人附和之。時人號爲「五鬼」。王旦欲諫，則業已同之。欲去，則又以上遇之厚，逡巡不忍。因追思李沆之言，服其先識，嘆曰：「李文靖，真聖人也。」

翰林學士范鎮乞致仕，上疏曰：「陛下有納諫之資，大臣進拒諫。」

之策陛下有愛民之心大臣用殘民之術安石見之大怒持之
至於手顫乃自草制極其詆訶遂罷

晉衛瓘知太子昏愚不堪爲嗣一日佯醉跪晉主牀前曰臣有
所啓上曰公有何言瓘欲語而止者三因以手指牀曰此座可
惜晉主意悟謬曰公真大醉耶瓘於是不復有言

大家說不出

曹元禮善算術詣陳廣漢設食甚薄曰有倉卒客無倉卒主人
曹以筯籌算曰俎上蒸豚厨中荔枝云何不設以待客廣漢大
驚無語

梁成大賊害忠良李知孝貪狡譏佞並爲史彌遠羽翼然李心
竊鄙梁嘗歎曰所不堪者他日當與成大同傳耳

唐懿宗時士大夫深嫉宦官有事小相涉則衆共棄之建州推官葉璚嘗與宣武軍宴議監軍之面既而及第遇之於塗因與馬上相揖遂謗議喧騰竟至終身沉廢

五代李崧曰宜得重臣鎮太原非石敬瑭不可晉祖深德之謝曰爲浮圖者必合其尖蓋欲其始終成已也

宋王旦臨終薦寇準自代帝曰準性剛褊更思其次對曰他人臣所不知也復謂其子曰我別無過惟不諫天書一事之失遺令諸子削髮披緇以歛楊億以爲不可乃止議者以其不能以正自終或比之馮道云

明泰昌登極甫匝月忽抱病頭目眩暈四肢軟弱不能動履太

醫李可灼進紅丸服之遂崩皇太子曾賜銀五十兩二表裏御史王安舜特參其用藥忽誤之罪有旨李可灼進藥不效殊失敬慎但亦臣子愛君之意姑從寬典罰俸一年

郭登狹中詭僻登進士獻書於宰相趙普自比巢繇朝議惡其纏激故久不調後復伺普望塵叩陳普笑語人曰今日甚榮得巢由拜於馬首

張光時吳中某宦之妾某氏與兵道某通訂其舟中相會因寄詩與約有爲憐貴客芳心亂欲訪仙郎恍影遲之句一時傳笑